

ARMEJ RE BAN MOUR ILAÑ KŌN AN EṀṀAN JERBAL KO AER

Kōttōpar ko an katak in:

- Kwaļok bwe jej aikuj kabuñ ilo wāween an Anij ba.
- Kwaļok bwe je jab maroñ karreoik kōj kōn men ko jej kōṃṃani.
- Kwaļok bwe jen ļoor Naan in Anij im jab ṃanit ko an kabuñ ko.
- Kwaļok bwe ri kabuñ renaaj mej jān lañ im ri nana maroñ bōk ļoṃṃor.

Meļeļe ko reļap ilo katak in:

- Jen lo bwe e jab eṃṃan aolep kain kabuñ.
- Jen lo bwe e nana ñe armej rej ļōṃṃak reṃṃan kōn wōt aer jerbāl ñan Anij.
- Jen lo bwe jej aikuj tōmak men ko Anij ej ba.
- Jen lo bwe Anij wōt e maroñ ļoṃṃoren armej.

Eṃōj ke aṃ jibwe juon keinabbu im eṃṃan ilo aṃ lale, ak ke kwaar ṃwijiti ear jorrāan ilowan? Ak bōlen kwaar wia juon men me eṃṃan ilo aṃ lale, ak e ṃokaj an jorrāan, bwe ilo ṃool e pidodo im nana.


Je jab maroñ lo lowan armej ak juon men, ak Anij ej lo men otemjej. Parisi ro raar lukōj box jidik ko ioon peir im ioon demaer. Ilowan box kein ear wor elōñ peba jidik ijo eṃōj je jet eoon jān Kallimur Ṁokta. Anij ear jiroñ ri Ju ro bwe ren liāpe Naan ko An ñan bōraer im peir (Dt 6:8), im Parisi ro raar ļōṃṃak bwe Anij ear kōṃaan bwe ren lukkuun kōṃṃane. Anij ear jab kōṃaan bwe armej ren kōṃṃane ilo wāween in. Ear ba men eo bwe En kwaļok bwe en aorōk Naan ko An ippān armej, im ren ļōṃṃak kaki aolep iien.

Eṃōj ad katak kōn Parisi ro. Raar ri juṃae ro eļap an Jisōs. Jej ba wōt ri kadek, im rū uror, im armej ro re nana tata renaaj kar juṃae Jisōs. Ilo ṃool, ri kabuñ raar juṃae Jisōs. Ejjeļok oktak ilo raan kein.

1. Kien ko an Parisi ro.



Mark 7:1-5 Im Parisi ro, im jet iaan skraib ro, raar itok jān Jerusalem, rej kweilokļok ñan Ippān. [2] Im raar lo jet iaan ro rū kaļoran rej ṃōñā pilawā kōn peir re jab erreō, ainwōt raar jab aṃwini. [3] Bwe Parisi ro im ri Ju ro otemjej eļañne raar jab kanooj aṃwini peir, re jab ṃōñā, kōn aer dāpij ṃanit ko an elder ro. [4] Im ke rej itok jān jikin wia, eļañne re jab tutu, re jab ṃōñā. Im bar elōñ men ko ippāer, men ko rej bōki im dāpij, ainwōt kwaļe kab ko im pot ko im jāpe kōba ko. [5] Im Parisi ro im skraib ro rej kajjitōk Ippān, “Etke rū kaļoraṃ re jab etal ilo ṃanit ko an elder ro, a rej ṃōñā pilawā kōn peir re jab erreō?”



Eļañne je jab kabuñ ñan Anij ilo ejja wāween An ba, innām ejjeļok tokjān ad kabuñ ñan E. Eban ṃōṃōṃō kake! Parisi

ro raar kabuñ ñan wōn? Anij. Raar bōk katak ko aer jān ia? Jeje ko re kwōjarjar. Innām ewi bōd eo aer? Raar ba, e jab bwe Baibōl. Raar ba bwe elōñ bar jet kien ko jen kōmmani eļañne je kōṇaan kabuñbūruon Anij. Ak etke e nana men in? Raar jiroñ armej ro kōn kien kein bwe ren kwōjarjar.

Parisi ro raar katakin armej bwe rej aikuj ļoori kien ko me raar make kōmmani bwe Anij en bōk er. Ear utiej būrueir kōn aer kōmman elōñ men meñe būrueir raar nana wōt. Raar katok im jitlōk im jar im kakkije ilo Jabōt im men ko jet, bōtab raar dike im utiej bōro im aṇokṇak.

Āindein ilo raan kein. Jet armej re kijejeto ilo kabuñ ko aer, im re kōṇaan bwe aolep ren jeļā joñan aer kijejeto im eṇman. Bōtab renaaj mej jān lañ. Parisi ro raar ba bwe re kōṇaan bwe armej ren mour ñan Anij. Ta enana men kein ke? Ekwe, jen roñ uwaak eo an Jisōs.

2. Jisōs ear kananaik Parisi ro.



Mark 7:6 E uwaak im ba ñan er, “E ṁool an Aiseia rūkaanij kōn koṁ ri etao, āinwōt ar je, Armej rein rej kabuñ ñan Eō kōn tieir, a būrueir rettoļok jān Eō.”

Jisōs ear kwaļok men ko Aiseia ear ba kōn ri Ju ro. Kōn tier, raar kwaļok elōñ men ko reṁman kōn Anij, ak ilo būrueir, raar jab tōmak E ak pokake Naan ko An.




Mark 7:7-9 “A ejjeļok tokjān aer kabuñ ñan Eō, kōn aer katakin, kōn aer naan in katak, kein ko an armej. [8] Koṁij joļok kien Anij im dāpij ṁanit ko an armej raṇ.” [9] Im E ba ñan er, “E ṁool koṁij joļok kien Anij, bwe koṁwin dāpij ṁanit ko ami.”

Anij ear jab bōk armej rein me raar jab kabuñ ñan E jān ilo būrueir. Ij ba wōt bwe armej rein raar lukkuun ilbōk im illu ke Jisōs e ba ñan er bwe ejjeļok tokjān aer kabuñ ñan Anij!

Jen jab ba bwe aolep kain kabuñ reṁman. Eļañne armej re jab errā ippān Anij bwe er ri nana im ban im E wōt E maroñ in lōmoṇren er, innām ejjeļok tokjān aer jermal ñan Anij.

Elōñ ilo raan kein rej kwaļok kien ko aer make. Jet rej ba bwe rū kaki ej aikuj jare armej bwe ren Kristian. E pād ia ilo Bible? E jab pād. Ej juon kien me armej raar make kōmmane. Jet rej ba bwe juon eṁmaan ej aikuj kōṇak an jiñlij ñe ej katak Bible, ak bwe armej en jab babu ñe ej jar. Men kein bar ļōmṇak an armej wōt. Jet rej kōnono kōn peptaij niñniñ, ak ejjeļok peptaij niñniñ ilo Bible.



Armej re likjab jān joñan an Anij wānōk, jekdoṇ ta rej kōmmani.

Anij e jab bōk kōj kōn ad ļoor jet kien - jekdoḡon eļāñņe rej kien ko An ak kien ko ad make. Je jab maroñ kōjparok kien ko An, im kōn men in, jen jab lōke ad kajjioñ! Jen jab lōke ad pokake. Jen lōke pokake an Jisōs im An mej kōn kōj.

3. Men eo e aorōk ej būruōd, jab men ko jej mōñā.

Parisi ro raar ba bwe ewor jet kain mōñā im armej re jab aikuj im mōñā. Raar ļōmņak bwe eļāñņe rej ļoor kien kein, enaaj jipañ bwe ren erreo imaan Anij im Enaaj bōk er.



Mark 7:14-19 Im ke eḡōj an āñiñintok armej otemjej ñan Ippān, E ba ñan er, “Koḡwin otemjej karoñjak Eō, im jeļā kake. [15 Ejjelōk men eo ilikin armej, men eo ej deļoñ ilowaan, ej maroñ in kananaik e; a men ko rej waļōktok jān ilowaan, men kein rej kananaik e.” [17] Im ke eḡōj An deļoñ ilowaan eḡ jān jar eo, rū kaļoran rej kajjitōk Ippān kōn būrabōļ eo. [18] Im E ba ñan er, “Koḡ barāinwōt jaje kake ke? Koḡ jab lo ke, bwe men eo jabdewōt ilikin ej deļoñ ilowaan armej, e ban kananaik e? [19] Bwe e jab deļoñ ilowaan būruon, a ilowaan lojien im ej diwōjļok jān ānbwinnen.” Ej ba men in im likūt ekkan otemjej erreo.

Jisōs ear ba bwe e jab kijōd eo ej kananaik kōj imaan Anij, ej būruōd. Ewi wāween bwe men eo juon armej en mōñā ak idaak e maroñ ukōt būruon? E ban. Men ko jej mōñā ak jab mōñā re ban ukōt būruōd re nana im kōḡḡman bwe jen erreo imaan Anij.



Kab, lale bwe ej ba “ekkan otemjej.” Ilo Kallimur Mokta, Anij ear leļok juon laajrak aetok kōn men ko me ri Ju ro re jab maroñ mōñā. Ilo laajrak in ear piik, libunej, im eļoñ kain menninmour. Bōtab, kien ko raar ñan ri Ju wōt, im raar ñan tōr eo wōt. Ekkan otemjej rerreo kiiō, im je maroñ mōñā aolep kain. Unin an Anij kar jiroñ ri Ju ro bwe ren jab mōñā men kaḡ ej bwe en kakememej er bwe re oktak jān ri aelōñ ko jet. Kab lale Jerbal 10:15 eļāñņe kwō kōḡnaan bar katak kōn men in.



Jet rej ļōmņak bwe eļāñņe rej joļok dān in kadek ak jikka bwe renaaj erreo imaan mejān Anij. Re ban. E jab eḡḡman kadek im jikka kōnke rej koḡkure ānbwinnen armej, bōtab, jekdoḡon eļāñņe armej ej juļok men kein, ej juon ri jerowiwī wōt.



Mark 7:20-23 Im E ba, “Men eo ej waļōktok jān ilowaan armej, ej kananaik armej eo. [21] Bwe jān ilowaan, jān būruon armej ej itok ļōmņak ko re nana, ļoñ ko an ro ewor pāleir, ļoñ ko an ro ejjelōk pāleir, uror ko, [22] Koḡot ko, arōk ḡweiuik ko, jerowiwī ko, ḡoḡ ko, kijoñ, mejnana, kōnono nana, juwa, bwebwe. [23] Men kein otemjej re nana rej itok jān ilowaan im kananaik armej.”

Anij ej lo men ko re nana ilo būruōd. Meñe je maroñ jab kōḡḡman aolep nana ko me jej ļōmņak kaki, ewor wōt nana ilo būruōd, im Anij e jeļā. Lale laajrak in. Eḡōj ke an wor ļōmņak ko re nana ippaḡ? Eḡōj ke aḡ koḡot, ak kōnono nana, ak utiej būruōḡ? Kab keememej Jemes 2:10 ijo ej ba bwe eļāñņe jej koḡkure juon iaan kien kein, ewor ruōd kōn aolepeir.

4. E utiej būruon Parisi ro.



Lk 18:9-12 Im Ej barāinwōt kōnono būrabōl in ñan ro rej make lōke er bwe rej jimwe, im kajekdoon ro jet: [10] “Ruo armej rej wanlōñ ilowaan tempel bwe ren jar; juon ri Parisi, im eo juon ri tōl owōj. [11] Ri Parisi ej make jutak im jar āindein, ‘O Anij, ij ba kom̄mool, bwe ña I jab āinwōt armej ro jet, ri kowadoñ, ri jab wānōk, ri lōñ, ak āinwōt ri tōl owōj in. [12] Ij jitlōk alen ruo ilo wiik, ij lelōk kein ka joñoul iaan men otemjej ij jibadeki.’

Jisōs ear kwaḷok juon bwebwenato, juon būrabōl, kōn mour in jetōb. Parisi eo ear etal ñan tempel eo bwe en jar. Lale men ko ear ba:

- Ear jab kowadoñ.
- Ear jab ri nana eḷap (ri jab wānōk).
- Em̄manḷok an mour jān ri tōl owōj eo.
- Ear jitlōk alen ruo ilo aolep wiik.
- Ear lelōk juon mōttan joñoul.

Ebwe an em̄man an mour! Bōtab, Jisōs ej ba ilo 14 eoon bwe e jab wānōk, meḷeḷein, e jab Kristian. Enaaj mej jān lañ. Etke? Kōnke lale men ko ear ba. Ear kōnono kōn wōn? E make.

Ear utiej būruon, im ear jab lōke Anij, bwe ear lōm̄nak e maroñ karreo būruon kōn men ko ear kōm̄mani. Ear āinwōt Kein. Ear kabuñ ñan Anij, ak jab ilo wāween an Anij ba kōnke ear jab tōmak Anij.

Elōñ armej rej kain eo. Re tiljek ilo aer jar, rej juon mōttan joñoul, rej kajjioñ in jouj ñan armej, rej jermal ñan Anij, em̄oj aer mare, re jab kadek ak kabaatat. Bōtab er ri jerōwiwi wōt, im renaaj etal ñan jikin eñtaan indeeo eḷañne rej lōke wōt tokjān jermal ko aer.

5. Ri tōl owōj me ear ukeḷok.



Luk 18:13 A ri tōl owōj, e jutak ettoḷok, e jab kōḅnaan reiḷok mejān ñan lañ, a ej ubrare ubōn im ba, ‘O Anij, kwōn tūriamokake eō ri jerōwiwi.’

Levi, ak Matu, ear juon ri tōl owōj. Ri tōl owōj ro raar jab jar, im raar kōm̄man elōñ kain nana. Bōtab ḷein ear jab kajjioñ in nooj nana ko an jān Anij. Ear jab ba bwe ewor jet men ko rem̄man ilo mour eo an.

Ear errā ippān Anij bwe e juon ri jerōwiwi. Ear jeḷā bwe enaaj mej jān lañ eḷañne Anij e jab tūriamokake e im jilkintok juon Ri Lōm̄oḷ. ḷein ear lōke Anij. Ear ukeḷok ilowan juon mōn jar ke? Ear jab. Juon rū kaki ear jare ke? Ear jab. Ear peptaij mokta ke? Ear jab. Eñin juon wan joñak em̄man kōn ukeḷok. Juon armej ej kile an nana im ban, im e kōḅnaan oktak jān e. E jeḷā e bane, im kōn men in ej kajjitōk ippān Anij bwe En tūriamokake e, im ej lōke tokjān jermal ko an Ri Lōm̄oḷ eo.

6. Pepe eo an Jisōs.



Luk 18:14 Ij ba ñan kom̄, Armej in ej wanlallōk ñan m̄weo im̄ōn e wānōk jān eo juon; bwe naaj kōttāik ro otemjej rej make koutiej er, im naaj koutiej eo ej make kōttāik e.”

Parisi eo ear jab kōḅnaan ba bwe e juon ri jerōwiwi me ejjeḷok an maroñ. Kōn men in, Anij ear jab bōk e. Ri nana eo, ri tōl owōj eo, ear tōmak men ko Anij ear ba. Ear jeḷā bwe ejjeḷok an kōjatdikdik im e ri

nana wōt. Ekkar bwe en jepel jān Anij ñan indeeo kōn nana ko an. Bōtab Anij, ilo An jouj im yokwe, Ear juḷok bōd ko an ri nana eo im bōk e āinwōt An kar bōk Ebel me ear bar lōke E.

Armej ren jab kōjatdikdik kake jabdewōt men rej kōmmane. Ren kile bwe ejjeḷok men re maroñ kōmmani bwe ren oktak im erom rū wānōk. Ren kōjatdikdik kake mej an Kraist im jouj an Anij.



Rom 4:5 A ñan eo e jab jermal, a ej lōke Eo ej kowānōk ri jerōwiwi, watōk an tōmak āinwōt wānōk.

Kajjitōk ko:

1. Etke Parisi ro raar illu ippān ro rū kaḷoran Jisōs?
2. Meñe Parisi ro raar kabuñ ñan Anij kōn tier, Jisōs ear ba ta kōn būrueir?
3. Emman ke bwe jabdewōt armej en kobaik kien ko an make ñan Bible?
4. Jej erreo imaan Anij kōn men ko jej mōñā ak jab mōñā ke?
5. Armej rej lale tu-likin armej, ak Anij ej lo ta?
6. Erri jet iaan nana ko me rej waḷok jān būruon armej?
7. Etke Anij ear bōk ri tōl owōj eo im jab Parisi eo?